

湖北府縣志輯

中國地方志集成

同治府縣志
同治府縣志

中國地方志集成

中國地方志集成

湖北府縣志輯 ⑤⑨

同
治
房
縣
志

同
治
鄭
縣
志

江蘇古籍出版社 ● 上海書店 ● 巴蜀書社

雍正元年奉

上諭知

州知縣朕惟國家首重吏治爾州牧縣令乃親民官吏治之始基也貢賦慈訟爾實司之品秩雖卑而基重州縣官賢則民先受其利州縣不肖則民先受其害膺茲任者當體朝廷惠養元元之意以愛民為先務周察部屋緩輻鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書曰民惟邦本本固邦甯夫所以固邦本者在吏治而吏治之

鄭縣志

卷首

一

本在州縣苟州縣之品行不端猶基不立則室不固庸有濟乎

皇考臨

御六十一年灼知州縣之重特行引見咨詢明試至詳主慎其廉能之員每不次超擢以示鼓勵今海內羣黎皆

皇考所懷保也朕膺

宗社重寄思續

皇考之治功惟爾州縣諸臣具有父母斯民之責其為朕立之

址以固邦本焉誠能潔已奉公實心盡職一州一縣之

中興仁興讓教忠教孝物阜民安刑清訟簡朕將陞之

朝廷用作股肱如或罔念民瘼恣意貪婪或朘削肥家或濫刑逞虐或借刻以為清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸弊更有任州縣時私肥已橐而漫云且俟顯要方立名額者其與初市清名晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

鄭縣志

卷首

二

皇考示諭在廷不允其請爾諸臣共聞之矣今州縣火耗任意加增視為成例民何以堪乎嗣後斷宜禁止或被上司察核或被科道糾參必從重治罪決不寬貸夫欲清虧空之源莫若節儉正直節儉則用無不足正直則上官不可干以私若賤小民之生以飽上官之貪欲冒不測之罪以快一時之奢侈豈砥礪廉隅為民父母之道乎爾州縣等官其恪供乃職勿貽罪戾毋謂地遠官卑朕不及察其賢否也特諭

雍正四年奉

上諭

爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之人而涉檢牘閣不顧名節者亦復

郎縣志

卷首

三

不少或出入官署包攬詞訟或武斷鄉曲欺壓平民或抗違錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關係極爲重大朕自卽位以來加恩學校培養人才所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本

原教官者多士之儀型也學臣者教官之表率也教官

多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端風俗之不醇也朕孜孜圖治欲四海之萬民之眾咸傾風慕義革薄從忠故特簡督學之臣慎重教官之職欲使自上而下端本澄源以收實効也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子悉秉

郎縣志

卷首

四

誠心如父兄之督課子弟至於分別優劣惟至公至當不涉偏私如此各盡其道則士子人人崇尚品詣砥礪廉隅不但自淑其身而羣黎百姓日聞善言日觀善行必共生感發之念風俗之丕變庶幾其可望也

道光二年九月二十日奉

懋愷奏查明襄陽府屬未變叛產酌濟書院經費一摺
前據楊懌曾奏湖北襄陽鄖陽兩府書院經費缺乏請
將叛產和銀作為膏火當經降旨令該撫詳查妥議章
程茲據該撫查明未變入官田地請照陝西新安之例
撥充書院膏火加恩著照所請襄陽縣已佃未變及清
出堪種田畝每年應收租課銀三百三十六兩零著撥
歸襄陽府鹿門乳泉兩書院光化縣原報未變照估變
價交典每年生息銀四百九十一兩零撥鄖陽府書院
均由各該縣按季經收解府轉發書院散給俾資膏火
而垂久遠用示朕嘉惠士林至意該部知道欽此

鄖縣志

卷首

五

鄖縣志序

鄖郡屬邑六西竹房保咸興秦蜀繡壤相
錯邊防攸國而鄖縣附鄖山水之險實爲
其衝則保障者最要矣我

國家承平二百餘年山陬海澨罔弗道一

風同慕義嚮化況鄖邑民俗素稱醇

鄖縣志

卷首

序

樸休養生息涵濡日久者乎余之官
斯土也凡四出矣咸豐丙辰夏曾率是
邑是年冬復兼旌斯篆以量域之廣
袤山川之險隘人物之乘時蔚起風俗之
漸次轉移車馬所歷見聞所經無一不
關於政治竊思紀載無圖更數十百年

後益曠遠而難稽每與邑中二三賢士談
及縣志志文獻闕如自愧才識卑陋
簿書鞅掌深以爲憾迨至丁酉春復來
權守是邦正值粵寇竄擾我量四郡多
壘風鶴頻驚控制之方防衛之策所
不遑所恃者城鄉各保士氣揚人心

耶縣志

卷首 片

二

奮聲勢映後山固器令倭然抑地氣
磅礴深厚忠義激於性成收多胆勇
英奇之人賊至而安如磐石也維時鯨
波甫靖鴻宅未安予於耶縣志一事雖有
志未逮而權量時勢審其輕重緩
急自宜嚴武備考先文器初姑少待之

予旋即卸篆志殊耿耿而寅夏予復奉
檄權守是邦耶縣前令周君芝房早奉
憲檄議修通上津別駕定君春圃奉
委兼理耶篆董其事而經理之延
中丞賈金門先生截筆日集邑人士討論
強識旁通淹雅者與之謀求蒐羅掌故

耶縣志

卷首

序

三

以所見證所聞事例一秉至公採訪無取
乎濫凡典章興廢沿革利弊所因有
條不紊斯亦司民社者之無忝厥職矣然
予披覽斯志竊以是邦風土人情風
所稔記於心親歷其事而躍有懷欲
吐者今何幸而遙觀厥成也且微窺定

君用心有不獨為吾人心維風俗計者耶邑
居楚上游地亦秦豫外屬皆鼎建三邊控
制之方防衛之策不可一日不講不可百不
備是以與地之遠近國梁之險隘城守之謹
嚴鄉保之團禦之詳書而備錄之明
若列眉兩軍政一志於援古證今之中寓
鄭縣志

卷首 序

四

湖北鄖陽府知府山左義駿美撰

鄭縣志

卷首 序

五

序

鄖鄉為古麋地今楚疆西陲也漢唐以來沿革互異鄖事之見於傳襲者如鄖公尹氏徵信纂難自元迄明視同邊徼榛莽者垂二百六十年成化中原吳二公均以都御史先後撫治功成保障壁

鄖縣志

卷首 序

壘一新矣逮及明季兵燹頻仍地僻民稀經盧公建斗振勵士心人有固志鄖復屹立巨鎮卒已以後闖賊五至日在干戈擾攘中戡亂拯危之不暇而何有於絃歌之化我

朝定鼎之初鄖歸版圖猶有奸宄竊發邊

隅尚未帖然康熙十五年掃除羣醜楚蜀俱平由是鄖屬牧安嚮仁慕義蓋移易風俗非易易之文獻不足職此之由夫直省之有州縣民社寄之重根本也州縣之有志乘國史資之考政治也其綱領賅乎天地人其體例準諸情理法

鄖縣志

卷首 序

二

而其指歸則汲汲於化民成俗以漸至於長治久安文物以紀之聲名以發之即一邑而推之天下莫不皆然蓋政治以重民事正人心厚風俗為本苟非親民之吏欲循名以責實因端而竟委也其將能乎予以為從事者無他謬巧在

乎審重輕察利害知先後識本末而已
是以考其取舍以定民志觀其好惡以
通民情等其奢儉以驗民俗悉其疾苦
以恤民瘼而又誘掖激勵漸摩陶成表
其忠孝節義文以禮樂勵以廉恥獎善
而聞者勸瘴惡而見者懲必使薰德者

鄖縣志

卷首 序

三

興於行誼親炙者有所觀摩則化民成
俗之義彰彰明矣至於編戶墾田物土
科稅度產差征計商均利體國經野之
方尤宜次第講求條理犁然不獨惟是
知經貴乎達權處常必思濟變弭患於
未至防害於未萌先事而籌全局在握

相時而動策應如神又復因地制宜變
而通之化而裁之則端賴鴻才卓識績
懋循良為

國家宣勤為生靈造福民之望之如望慈
父母也予不揣譎陋率應定春圃明府
勤請創修鄖志因萃是邦英賢髦士採

鄖縣志

卷首 序

四

輯成帙參以府志舊聞探討而詳稽之
明其義察其情信以傳信疑則傳疑俾
循名責實凜然於道德之不可以偽託
仁義之不可以輕假持是以修志益兢
兢焉思志乘與

史相表裏出之以詳審規之以謹嚴舉

凡漁獵馳騁之技風雲月露之詞概弗
濫收而於翼教維風之義則又拳拳服
膺慎勿失焉固未敢以邑乘而忽之也
若云證今憲古簡核無遺予誠未能自
信以待後之賢者

同治五年律中黃鐘日躔星紀之次

鄖縣志

卷首 序

五

均州賈洪詔撰

乙丑夏疊奉

上憲檄飭刊修志乘因以縣志源
委延訪耆舊僉云邑舊無志康
熙初張君杞侯君世忠兩輯之
而其書不傳迨後沈楊諸郡伯

鄖縣志

卷首 序

纂修府志鄖縣事實附載府乘
而已余聞之慨然曰嘻缺典哉
縣何可無專志也况鄖縣附郭
自前明迨

國朝歷建撫衛行臺一切安插撫

綏諸大政鄖縣親承之較外五屬為多茲僅隸府志而府志事載六屬不得不刪繁就簡以歸體制雖大綱備舉而其淪於荒煙蔓草以與塵埃野馬同歸漂

鄖縣志

卷首 序

二

泊者當復不少況屢經兵燹墮井投河斷脰陷胸者所在多有尤當廣為搜羅傳其咳唾使忠臣孝子義夫烈婦仗義生前者可吐氣於生後且藉以激濁

揚清維持風化固不獨疆域廣狹賦稅盈絀戶口之增減風俗之醜駁足以資縣官考鏡也爰本此意邀同候補知府余君澐廷暨城鄉知名士分類編纂草

鄖縣志

卷首 序

三

率成帙方擬延請名流討論潤色而予解任矣諸君子以始事由予願丐一言以為記予值交卸之際公務猥瑣從更殘燭跋之餘率應其請如此時蓋同治

五年九月也

同知銜署鄖縣知縣周瑞撰

鄖縣志

卷首 序

四

序

鄖縣舊無志康熙十二年知縣事張君祀奉檄徵志僅得一抄本缺畧甚多迺取康熙八年鄖別駕仇君昌祚暨郡選拔李紹賢新修府志類編擇其記縣事者潤色之惜其書均不傳今所傳者府志二編一則康熙十九年太守劉公作霖續纂成帙

鄖縣志

卷首 序

一

二十四年太守楊公廷耀增刊之志一則嘉慶二年太守王公正常值軍書旁午橐鞬之餘手訂府志十卷也夫縣志既無可徵即載入府志者亦畧而不詳撫茲文獻闕如將欲昭勸懲樹風聲紀綱政治利濟民生非守土之責而誰責乎同治丙寅夏熙魚理縣篆前邑令周君芝

房先奉憲檄飭修縣志正與都人士籌畫
熙適承乏斯邑遂集諸君擁商遍加採訪
極意蒐羅閭邑之博通淹雅者皆從事焉延
賈金門中丞秉筆復甄輯而覈論之其中
起例發凡證今憲古務尚體要而正人心
今分門晰類裒然成書矣熙竊維邑乘者
紀實錄以資國史也若忝膺民社於地方

鄖縣志

卷首

序

二

利弊因革民事緩急闕焉弗講縱摛文
揆藻粉飾鋪張於吏治何裨鄖固西陲
彈丸而重鎮駐之非徒山峙川流天險足
恃也高城深池地利可守也任土則壤耕鑿
相安也漁鐵鹽筴商賈阜通也比年以來
兵燹頻仍寇匪充斥破鯨浪靖狼烟集鴻
宅固鱗原或同心扼要或奮臂守陴其義

勇有足多而其勤勞不可沒也匪直此也
崇尚風義之人慷慨激昂執干戈衛社稷
懷忠抱孝守璞完貞有阮窮不變之性真
斯有亘古不磨之名節蓋敦龐深厚之氣
磅礴鬱積於錫穴盛水之中一發而不可
遏自昔揚芬於今追美焉且也軍興十餘
載餉需浩繁輸將絡繹脂膏竭矣杼柚空

鄖縣志

卷首

序

三

矣民力宜紓也民氣宜養也民財宜豐也
民心宜固也使之歌崇墉而良耜畎畝詠
旄旗而室家漆漆此非其時乎抑余更有
進者鄖介於秦豫之間方今捻氛未掃邊
警時聞凡關隘之巡防里保之團禦所以
居安思危而有備無患者斯誠軍官四顧
躊躇與士民激勸鼓舞於無己者也志之

所關不益重與豈曰與章名物盛衰因革
犁然具備而已乎若夫人文之炳蔚風俗
之樸醇士負幹濟之才民無露凌之習則
皆我

國家教澤涵濡仁漸義摩風會所趨有以致
之安得概謂地氣轉移使然與後之軍是
邑者具深識擴遠謀當更有補斯志所未

耶縣志

卷首

序

四

逮者熙不敏跂予望之

特授鄖陽府上津通判兼理鄖縣事

辛亥科舉人長白定熙撰

原序

知縣張杞

康熙壬子大學士曲沃衛公條奏纂修一統志儀曹報
可爰行直省編輯成書以進檄馳各郡邑徵志以備採
擷夫邑之有志故典也聲名文物之地按籍而舉之易
易耳耶則有難焉者耶爲楚豫秦蜀邊陲山童水感卽
全盛時猶鄙陋昔弁州謂鄖陽古一聚落耳強名之曰
縣強進之曰郡又強一都御史居之繹數強字其於荒
寥寥闕之况刻畫盡矣夫縣猶強名烏足以當郡彼原
公以當四塞之交山谷叢互道里遼闊素爲通逃淵藪
耶縣志

卷首

原序

故開設府衛重建撫軍行臺以環鎮而嚴備期保嚴疆
於勿替非謂是邦之土地財賦民物人文之盛堪以稱
大藩壯輿圖也矧兵燹之餘典籍灰燼故老零落欲綜
往牒而纂緒之詎不難哉今檢案牘得一抄本而挂一
漏萬缺略宏多乃取新編府志潤色之帖目仍舊而增
補附入視前爲稍備雖未足當巨邑之一隅而比事紀
物亦足備當代考稽之林矣若夫搜遺證謬仍以俟夫
後之君子

鄆縣志目錄

卷首

序

原序

凡例十六則

圖
天文 星野 城池 山川 里保
塘鋪 鎮署 縣學宮 書院
試院 文昌宮 武廟 城隍廟 十景

天文卷一

鄆縣志

卷首

目錄

一

星野
祥異附

輿地卷二

建置沿革
表 疆域 形勝 山川 石 寨 岩 井 堤 塘 泉 風俗 里保 關梁 邱傳

學校卷三

靈宮祀典
禮器樂器各圖附 學額 書籍

書院
附 試院 賓興 義學

營建
賦役 卷四

城池 壇壝 廐典 附 公署 倉廩 街市

坊表 普濟堂 寺觀附末

戶口 田賦 稅課 雜征 物產 蜀政

職官卷五

官秩表 名宦政績 官制額設裁缺

選舉卷六

科日攷 選舉表 封蔭 軍功 鄉飲賓

軍政卷七

兵制 武職秩官 忠節附 邊防事蹟 戰守附

教場 軍器營房附

鄆縣志

卷首

目錄

二

人物卷八

孝友 德行附 義行 忠節 節孝 貞烈

壽民 流寓

古蹟卷九

墳墓

藝文卷十

勅疏 書 記 傳 文 銘 說 詩 詞 歌

雜識

鄖縣志凡例十六則

一州縣志書率修掌之牧令編纂責在紳士非其人莫與屬也特於卷首恭錄雍正元年

世宗憲皇帝訓飭州縣雍正四年整飭士習

上諭各一道俾任事者敬謹伏讀先知自警以化民成俗爲

心庶期筆之於書矢公矢慎繩尺謹嚴

一鄖邑舊無縣志康熙壬子知縣張杞奉檄修志僅得

一坊本乃取康熙已酉鄖通判仇昌祚暨選拔李紹賢新修府志類編爲之增輯而其書均不傳今府志

鄖縣志

卷首

凡例

一

中僅存縣志序一篇事屬創始豈能率爾操觚

一鄖縣附郭邑乘體裁不載府屬憲綱等事所以明秩

敘也然與府屬外州縣又有閒凡事關文教武備諸

大政府統之縣承之故志中皆先府而後縣府略而

縣詳

一志書起例以天文星野爲準則實以輿地圖經爲權

衡一邑之內自建置沿革疆域形勢山川風俗以及

里保關隘郵傳皆由輿地而定今分以八門附以圖

經俾境內所轄按籍而稽一目了然

一志者記其事也事無古今同條共貫道無遠邇殊途

同歸縣既無舊志可考今初立規模採訪實事所錄

無幾凡事關政典一一從本原上尋來借資考鏡

一覺宮祀典於學校關係最重往往身列庠序數典茫

然此習焉不察之過志中特鄭重詳慎推本而備錄

之義學書院學額試院皆爲學校而設故合爲一志

一賦役與農政相表裏地方設立牧令民事均不可緩

今於戶口冊籍田賦重輕稅課贏絀物產豐歉條分

縷析俾宰是邑者熟於胷中政在養民庶有把握

鄖縣志

卷首

凡例

二

一縣治營建城池之守社稷爲重自壇壝祀典而外凡

歷奉部文載在典禮者悉詳其建置始末而謹書之

又如公署倉廩坊表街市皆爲民建也合而志之自

見規畫井然

一地方設立私祠不在祀典者如仙釋寺觀另爲一編

附於志末至士庶之家設立祠堂俱宜歸入家乘以

符體制

一職官駐鄖前明時設撫治設下荆南道成化十三年

始設鄖陽府

國朝康熙十六年始裁撫治雍正六年始改駐鄖之下荆

南道爲襄陽道移駐襄陽而知縣則自明初馬伯庸

始志中知縣以下俱從編年列表之例而名宦政績

自知府以上暨鄖屬職官凡遺愛在民者皆詳載之

一鄉舉里選科目國舉人仕之路不一經義取士自宋

始振其要明其法也志中所列選舉自正途而外有

吏員有捐納凡已奉部文覆准者併附於選舉之末

一軍政事關武備鄖縣附郭重鎮駐劄於此歷來兵事

俱宜詳敘俾閱者援古證今有備無患志中於近年

鄖縣志

卷首

凡例

三

防禦情形援括靡遺用昭激勵

一武職祇載城守弁兵鎮標兵丁祇載總數其總兵以

下統轄官職俱宜歸入府志至仗義盡節官則列入

軍政紳民則列入人物志中

一人物中忠孝節烈尙矣凡經紳士採訪婦女貞節已

經呈明年例相符或甫行訪察確係貞節卽一面呈

明者悉登之地方碩德耆英足爲里閭矜式尤宜亟

登其善行義舉必考核實蹟鄉黨均無閒言方爲錄

入此外不敢濫載

一文以載道扶世翼教之文發於性真根於道義讀之

令人感發鼓舞使老嫗皆能知曉者不可多得今於

府志類編中慎加採擇凡有關民生世教皆載之記

其事非選其文也至近今藝文如於人心風俗無益

仍不輕採以杜冗濫

一雜識或見於羣書或傳之舊聞或得之鈔錄但事有

關於鄖或其人曾經駐鄖皆在已往者斟酌採入惟

隱怪無稽之言一概不錄

鄖縣志

卷首

凡例

四